

Láhka

nuortalašlága rievdadeamis

Riikkabeivviid mearrádusa mielde
rievdaduvvojit nuortalašlága (253/1995) 49-51 ja 63 §, dakkárin go dain leat 49, 51 ja 63 §
lágas 83/2014,
čuovvovaččat:

49 §

Válgalávdegotti mearrádusa váidin

Ovdal 48 § 2 momeanttas oaivvilduvvon olmmoš oažžu oheat nuppástusa válgalávdegotti mearrádussii váidimiin Davvi-Suoma hálddahasriektái 30 beaivvi siste das, go válgga boadus lea almmustahttojuvvon, dainna ákkain, ahte mearrádus loavkida su vuoigatvuoda dahje lea šaddan boasttu ortnegis dahje lea muđui lága vuostá. Eará osiin nuppástusohcamis heivehuvvo, mii riektegeavvamis hálddahasáššiin addojuvvon lágas (808/2019) ásahuvvo.

50 §

Mearrádusas dieđiheapmi ja diehtunaddin

Nuortalaš gehččojuvvo ožžon siidačoahkkima dahje nuortalašráđi mearrádusas dahje válgga bohtosis dieđu dalle, go mearrádusa dahje válgabohtosa sisttisdoalli beavdegirjeválddus lea biddjojuvvon oaidninláhkai Anára gielddas gielddalága (410/2015) 108 § mielđasaččat ja nuortalaččaid ovdaolbmo doaimmahagas. Mearrádusaid ja válggaid bohtosa sáhtttá lassin almmustahttit maiddái báikegottis almmolaččat almmostuvvi aviissas, juos siidačoahkkin nu mearrida. Dalle go mearrádus guoská dušše ovttaskas nuortalačča, diehtunaddin gehččojuvvo dāhpáhuvvan dalle, go mearrádus lea duodaštuslaččat addojuvvon áššeoapmahažžii diehtun.

51 §

Siidačoahkkima ja nuortalašráđi mearrádusa váidin

Nuortalaččaid siidačoahkkima ja nuortalašráđi mearrádussii oažžu nuortalašguovllus ássi válddalaš nuortalaš dahje su guoibmi dahje nuortalašráđi lahttu oheat nuppástusa váidimiin Davvi-Suoma hálddahasriektái dainna ákkain, ahte mearrádus lea šaddan boasttu ortnegis dahje lea muđui lága vuostá. Seammá vuoigatvuolta lea das, gean vuoigatvuoda mearrádus loavkida.

Nuppástusa ii goittotge oaččo oheat dakkár mearrádussii, mii sisttisdoallá cealkámuša eiseváldái, juos cealkámuš ii čana eiseválddi.

Nuppástusa galgá oheat 30 beaivvi siste mearrádusas dieđiheamis. Eará osiin nuppástusohcamis heivehuvvo, mii riektegeavvamis hálddahasáššiin addojuvvon lágas (808/2019) ásahuvvo.

63 §

Nuppástusohcan

Ealáhus-, johtalus- ja birasguovddáža mearrádussii ohccojuvvo nuppástus váidimiin Davvi-Suoma hálddahasriektái.

Eará osiin nuppástusohcamis hálddahasduopmostullui ásahuvvo riektegeavvamis hálddahasássiin addojuvvon lágas.

Dát láhka boahtá fápmui ođđajagemánu 19 beaivve 2021.

Helssegis ođđajagemánu 15 beaivve 2021

Dásseválldi Presideanta

Sauli Niinistö

Eana- ja meahccedoalloministtar Jari Leppä